

至吐魯番城購辦什物。二十四日晚返哈拉和卓。二十五日開始工作古城，及查視附近古蹟。三月三十日開始爲古墳之工作。在哈刺和卓附近有古墳地三區，一在古城西北里許，其面積之大，過於雅爾崖，最有名之張懷寂墓，亦在此區。（詳王樹枏新疆訪古錄）但多爲東西遊歷人士及土人所盜掘，已失其地中層序，頗難清理，故余決定不工作。一在古城東北三里許，當往土峪溝途中，古墳亦多，其狀與西北區同。余等在此處取墓專兩方。一爲朱書，題河西王通事舍人張季宗之墓表，夫人燉煌宋氏。無年號及年月日。但在高昌麴氏有國時，無河西王名稱。後查宋書氏胡傳，沮渠無諱襲據高昌，遣使奉表於宋文帝，拜爲征西大將軍、涼州刺史、河西王。及無諱卒，其弟安周繼立，宋仍拜爲河西王如故。是河西王爲沮渠無諱及安周時事。無諱爲宋元嘉十九年，安周爲宋元嘉二十一年，在麴氏前，故不署高昌年號，然沮渠氏侵入高昌，由此可以證明也。一爲墨書章和七年平遠府祿事參軍張歸宗夫人索氏墓表。其墓中均已被土人盜掘，惟墓表在墓道之末端，故尙能保存也。此一帶墳院形式，與雅爾崖同，院外有石線作欄，塚前有石線，其族劃區分亦頗清晰。惟西北之墳區與此略異，外欄及塚墓道，均已失去痕迹，或者原卽未有，其墳之週圍，間有半月形之土埂，表示爲墳墓之屏障。此種風俗，略同內地，若江南一帶之古墳，多如此。亦有在墳後起高塔者，則爲佛教入西域後之遺俗。二堡舊城及雅爾崖舊城，嘗有此類之建築物，而其前均爲墳墓。有時外表不隆起，故不能知其